



ازاي ممكن تساعدك المحفظة الالكترونية في حياتك

المحافظ الإلكترونية أو المحافظ الرقمية هي تطبيقات بتساعدك تدفع أي حاجة باستخدام التليفون. ميزة المحفظة الإلكترونية إنك صعب تنساها في البيت زي محفظتك العادية لأنها بتكون على تليفونك. انت مش محتاج تكون عميل في بنك علشان يكون عندك محفظة الكترونية. ممكن تشحن المحفظة من أي ATM او لو عندك حساب في بنك ممكن تحول فلوس من حسابك للمحفظة.

المحفظة الإلكترونية بتساعدك تدفع أنواع مختلفة من الفواتير بما في ذلك الاتصالات والإنترنت، والمرافق ورسوم المرور. يمكنك أيضًا دفع التبرعات والاشتراكات وأقساط التأمين والتذاكر. ممكن برضه تحول فلوس لأي محفظة الكترونية ثانية وتطلع كارت دفع مؤقت.

سهل الاستخدام

- املأ نموذج التسجيل في فرع البنك الخاص بيبك
- هتوصلك رسالة على تليفونك فيها رمز التفعيل
- نزل التطبيق على تليفونك
- دخل رقم تليفونك المتسجل في البنك
- دخل رقم التفعيل اللي وصلك عن طريق الرسائل
- اختار رقم سرى لمحفظتك الالكترونية

مفيش مشكلة لو انت مش عميل في اي بنك. ممكن تسجل حساب محفظة الكترونية في أي بنك أو من أي شركات الاتصالات؛ اورانج واتصالات وفودافون. ممكن تملك ٣ محافظ الكترونية متسجلة علي رقمك القومي بس محفظة واحدة بس تتسجل على رقم تليفونك.

آمن ومضمون

بتكون فلوسك وتفاصيلك الشخصية مع المحافظ الإلكترونية في امان. كل معلومات حسابك بتكون مشفرة. المحفظة الإلكترونية بتطلب منك الرقم السري في كل مرة تستخدمها لأمان اكثر. ممكن برضه تصدر بطاقة افتراضية مؤقتة تستخدمها في الشراء من الانترنت. البطاقة دي بتشتغل لمدة ٤٨ ساعة وبتستخدمها مرة واحدة بس.

ممكن توفرك وقت كبير

بتساعدك تدفع أي حاجة من فواتير وخلافه بخطوات بسيطة بدل محتاج تنزل من بينك او تكتب بيانات بطاقتك الائتمانية علشان تدفع الفواتير.

لو انت مش عميل في البنك ممكن تودع فلوس في محفظتك عن طريق ماكينة إيداع وسحب الفلوس (ATM) الموجودة في أي حنة.

ممكن تحول لمحافظ ثانية

بتساعدك تحول فلوس او تستلم فلوس من أي حد عنده محفظة الكترونية من غير ما تنزل وتقف في طوابير وتستني دورك بطريقة سهلة وسريعة.

بتساعد المحافظ الإلكترونية الكثير من الناس في عمليات الشراء الكاملة ودفع الفواتير بأقل تكلفة. ممكن تسجل حساب في محفظة الكترونية مجاناً عن طريق ملء طلب في أي فرع من فروع بنكك. برضه في اتجاه حكومي دلوقتي لتحويل التعاملات النقدية لتعاملات الكترونية للتسهيل على الناس ولتوفير الوقت والتعب.

على تطبيق **نقود** هتلاقي بنوك البنكدم خدمة المحفظة الالكترونية ومقارنة بين محافظ كل بنك.